

Reinwelskeier Kerwened

1992



Gun Dach ehr Leit, es is widder so weit,  
de erschte Sunndach im Auguscht - Kerweredzeit.

Ich han widder so manche Schandtate ufgeschrieb,  
un es is jo net zu glawe,  
awwer do det em jo so manch ener ver dumm vekaafe.

Desweje han ich so manches Ding ufgeschrieb,  
domet ichs net vergess,  
un ich versprechs: Manch ener vun eich  
fallt uff die Fress.

Ach fascht het ich jo nimmi dro gedenkt,  
awwer unser Kerwestrauß hengt fescht un is e Pracht.  
Dene hot die Straußjugend ach met veel Sorschfalt gemacht.

Awwer genug jetzt vorne weg - ich geh gleich in die Volle  
un vezehl eich die Dummheite vun manche Dolle.

PROSCHT !!!!!

Doch bevor ich ausem eigentliche Sinderegischer Bericht,  
han ich iwver de Gemenerat noch e Geschicht.

Daß die net ganz bei de Sach sin, das is jo klar,  
iwver unser Dorfplatz vorm Keller  
brauch ich jo nix mi se sa.

E vertel Jahr hots gedauert,  
bis ausem Brunne es Wasser is gelof,  
un an de Rampe fehlts Gelender immer noch.

No veele Kritike han mer gemänt, sie hättens ingesie,  
awwer met so em Architekt kriet mer halt nix Besseres hie.  
Wo druf ich enaus will, is net schwer zu erote,  
mer stehn mitte druf uf dem Bauwerk vun dene Kaote.

E Umbau nom anner werd do gemacht,  
doch bleiwe mer bei de Sach.  
Das Ding do vor de Hall is jo e warie Pracht.

De Inblick in die Hall solt de Vorbau vermeide,  
domit die Musike e Erfolsch werre un net e Pleite.

Un ob's e Erfolsch gibt, das werre mer jo sie.  
300000 Mark Schulde han se erreicht,  
domet ses met de Musike vielleicht  
doch noch irgendwann hiegrie.

Ver unser Gemenerat jetzt noch e dreifacher Applaus.  
Die Verschuldung vun unserm Ort losst sich zeige,  
noch so e Plan vun Gläßer, dann is unser Kaff Pleite.

Un falls er net do is, dann richtens em aus.  
Fer de Gläßer jetzt ach noch e dreifacher Applaus.

**PROSCHT !!!!!**

# Gasthaus Zur Linde



Inh. Lydia Schultz

Hauptstraße

6759 Reipoltskirchen

Angeblich zahme, gehorsame Hunde von Hundeliebhaber entpuppten sich als abgerichtete fleischfressende Bestien. Begegnung mit kleinem zierlichen Pinscher endete für diesen fast tödlich. Nach mehreren Arztbesuchen war Genesung in Aussicht.

---

Ex Feuerwehrrkommandant erwies sich wieder als Triebtäter. Bei der Tochter eines langjährigen Freundes aus dem Nachbarort verfiel er seinen alten Gelüsten. Infolge eines dazukommenden Verkehrsunfalls erfolgte große Suchaktion der Polizeidienststelle Lauterecken mit erfolgreichem Abschluß.

---


Angehende Bereitschaftspolizistin übte auf einem Vierbeiner aus dem Nachbarort für den Streifendienst zu Pferd. Der Ritt endete mit fatalen Folgen. Erste Hilfe an Ort und Stelle erfolgte sogleich durch vorbeifahrenden Landarzt. Nach mißglücktem Ritt auf Vierbeinern, zweibeinige Hengste mit Blickkontakt beforzugt.

---

Ex-Saunabesucherin - Herta wäsches noch - schäffelte durch langjähriges Kassieren von Zeitungsgeldern beträchtliche Summen. Nach größeren Um- und Anbaumaßnahmen am Haus und Anschaffung eines Neuwagens verkündete sie den Rücktritt. Kassierung erfolgt jetzt durch Abbuchung.

Bekannt durch  
Qualitätsbackwaren  
Ihre Brot und Feinbäckerei

JÖRG MÜLLER



6759 Reipoltskirchen  
Kegelbahnstraße  
Telefon 06364/323

Montag Nachmittag geschlossen

Ehr liewe Leit un Kerwegesch,  
vor vier Woche war do e Fescht,  
do sin die Tasse, die Ziele gefloh wie weit,  
uf dem Pletzje do - es is jo net breit.  
Das wa de Polterowend vum Elch - ehr Leit.

Do hun mer Dreck gemacht, gefress un gesoff,  
ei de Jörg hot sich beim Kehre bal de Arsch abgeloff.  
Un wie mer all satt ware, do war uns klar,  
jetzt speele mer dem e Streich  
un dun die Säck met dem Dreck vor die Backstub dra.

Dort hun mer se hiene geleert,  
un sin widder Richtung Hall mascheert.  
Uf dem Weg doeruf is uns de Jörg begeent,  
der hot bitterbees gemänt:  
Wann was vor de Backstub leit,  
schmeiß ich eich all enaus ehr Leit.

Ich han mich doch veer verhall,  
un gesaa: Gepoltert werd nur vor de Hall.

Dann gabs e große Greicherei,  
sei zukünftische Fraa war ach gleich debei,  
un de Hallewart Robert bekam ach glei ens ufs Dach,  
jetzt hat der arme Kerl ämol nix gemacht.


Anschließend hun mer die Sawwerrei  
unner Protescht widder weggekehrt,  
so hot sich die Sachlage endlich geklert  
un mer sin noenonner hem mascheert.

Jörg - Polterowend hot mer nur emol, drum reech dich net uf.  
Bass lieber uf dei Weck un dei Preispolitik uf.

DIE REIWELSKIEIER KERB SOLL LEWE HOCH HOCH HOCH .....

nn  
**GETrÄNKE**  
**MARKe**

**MARGIT UND GÜNTER REPERT**  
**HAUPTSTR. 34**  
**6759 REIPOLTSKIRCHEN**



**GÄRTNEREI**

**Gehrhardt - Mann**  
Blumen- und Kranzbinderei  
Schnittblumen  
Topfpflanzen  
Beet- und Balkonpflanzen  
**6759 Einöllen**

Tel. 06304/372

So - jetzt kumm ich zum e ganz besonnere Fall,  
geje iwwer vum Toni wohnt er - ehr kennene all.

Der is vor e paar Johr in Reiwelskerch ingefloh  
un bei ener junge Witwe ingezoh.

Daß der nix schafft, war jedem gleich klar,  
weil sei Lieblingsbeschäftigung aus em Fenschter gugge war.  
Er hot zwar schon e paar Jobs gehat,  
awwer met de Awet hots halt niergendwo so richtich geklappt.

No einicher Zeit hot er sei leerstehende Räumlichkeite  
in Ospruch genumm  
un e Pachtvetrach vum em Bierlieferant iwvernum .

Ja der Getränkeschop war fertisch un e wahrie Pracht,  
nur der Gewinn is ausbleb -  
das kummt dovun, wens met em Rechele net so klappt.

Die Kunschaft hot em nehlich es Geld immer bassend hiegeled  
un de Detlef hot geglaabt, es stimmt - der war so bled,  
aus dem Grund war de Lade ach glei widder zu,  
un de Detlef hat ver e paar Monat sei Ruh.

Doch kurze Zeit später gabs widder was zu lache,  
er hot nehlich gemänt er mischt sei Schuppe newerm  
Haus nei mache.  
Met e bissje Speis un e paar Glasbaustä,  
saat er, werd der ach noch emol schää.

Die hot er dann ach gesetzt,  
doch scheinbar hot er de Zement vergeß.  
Sie hatte nämlich net lang gehall,  
zwä Stun speter sin se uf die Stroß gefall.

Er hot sich met em Mischungsverhältnis vum Mörtel  
e bissje verschätzt,  
desweje wurden se oschließend vumme Fachmann gesetzt.

De Däddy kunt jetzt nur noch uf e Sach hoffe,  
schließlich stand jonoeh sei Traumjob offe.  
So hot ers dann als Schreiner un Restaurateur prowiert,  
un Omas alte Mewel repariert.

De erschte Uftrach wa e Komod, die war so noch ganz gut  
in Schuß, doch bald ware Spure vum Hammer druf.  
Deutlich ware aach Kratzer vum de Schleifmaschin dran,  
un gebohrt hat er ach noch iwveral,  
dann is se endlich sesammegefall.

Zusammebaue kunt er se allä nimmi, das war jo klar.  
Desweje hot er se no Nußbach bei de Felix gefahr.  
Der hot sem zusammegebaut un de Detlef war heilfroh,  
es ware sogar widder die Zierleischde droh.

Detlef - zum Schluß noch e guter Rod: Loss die Finger weg  
vun Sache die de net beherrscht, du brauchst nix zu bewaise,  
was do debei eraus kummt is sowiso nur Scheiße.

# Etwas Gutes braucht das Tier.

NEU

NEU

NEU

NEU

NEU

ZIERFISCHE FÜR'S AQUARIUM

ZIERFISCHE FÜR DEN GARTENTEICH

AQUARISTIKZUBEHÖR VON MARKENFIRMEN WIE  
DENNERLE, SERA, EHEIM

VERSCHIEDENE KLEINTIERE, WIE Z.B.

CHINCHILLAS

ZWER GKANNINCHEN

MEERSCHWEINCHEN

HAMSTER

NATÜRLICH ERHALTEN SIE AUCH WEITERHIN VÖGEL IN UNSERM GESCHÄFT

## AQUARISTIKEINFÜHRUNGSANGEBOT BIS ENDE SEPTEMBER

AQUARIUM KOMPLETT MIT ABDECKUNG, LEUCHE, EHEIM INNENFILTER,  
JÄGER REGELHEIZER, FANGNETZ, WASSERAUF-  
BEREITUNGSMITTEL, FUTTER

60 CM BECKEN 199,- DM

80 CM BECKEN 325,- DM

**Zoofachgeschäft Linnebacher**  
Hauptstr. 2 · NUSSBACH  
☎ 06364/413

Staatlich Angestellte Postschalterbedienstete hätte fast ihren Traumjob verloren.

Doch durch starke Eigeninitiative des Ehemanns und des Schwiegersohns in spe, erfolgte Ausbau der alten Viehwaage zum Postschalter.

Mangels sanitärer Anlagen steht die Miete für die Benutzung der Toilette im Kellergeister Club immer noch offen.

---

Nach fernbleibenden Meldungen junger Mädchen schlug der Ex-Vorstand des Musikvereins neue Lebensbahn ein.

Neue Hoffnung im Ausland durch Führerschein Klasse 2 bleibt nicht aus.

Annonce nach Mädchensuche immer noch offen.

---

Traditionelle Maibaumstellung verlief mit Komplikationen.

Da zuständiger Revierleiter der Forstdienststelle Reipoltskirchen nach mißglücktem ersten Versuch die Fällung einer zweiten Fichte verbot.

Dorfjugend mußte Baum mit falschem Gipfel stellen.

Obst und  
Gemuese  
Handel



Manfred  
Becker

6759 Odenbach

Tel. 06753/3366

Straßenverkauf in  
Reipoltskirchen:  
mittwochs u. freitags

De Nachbar vum Detlef is ach so e Hit.  
Er is bekannt als Kesselpit.  
Der hot am alte Wasserheisje de ganze Hewwel gepacht,  
e Hekta is das vorneweg.  
Er hot sogar schun die Grenz abgesteckt.

Er hält die Wiss aach sauwer met de Sens, das kan mer siehe  
doch es Gras wachst schneller wie de Pitt kann mähe.  
Schun wochelang dut er dort mehe, awer was das gewwe soll  
kann mer bis heit noch net siehe.

Mer herts mungele: E Lacherhall will er baue,  
in die will er Unimogs, Bagger un Walze verstaue.  
Pitt du gebesch e Haufe Geld aus ver die ganze Sache,  
awer uns is rätselhaft, was de dodomet wilch mache.  
Mänsche villedicht net, die Leit den do driwwer net lache,  
du kanch doch met denne Geräte iwwerhaupt nix schaffe.

Sa mol: Ens musche mer noch saa.  
Kanche iwwerhaupt ver so e Unnernehme die Verantwortung dra?  
Pit denk doch noch emol no iwwer die ganz Sach,  
was de ohne Ufträch machsch.


Das Geld muß jo ach werrer errin,  
wo de vepulvert hosch in deem Leichtsin.

Zum Schluß geb ich der noch e guter Rod,  
ich kenn mich do aus.  
Ohne Mieter ver dei Geräte kumsche finanziell nie do eraus.

Pit - noch e guder Rod - egal ob ders gefällt -  
her uff met dene Ferz un spar der dei Geld!

# Hans Mannweiler KG

## Niederkirchen



B a u s t o f f e

BRENNSTOFFE / HEIZÖL

Güternaverkehr

In der Schorndelle 1  
Tel. 06363/216

Jetzt is wie fascht jed Jahr die Kellebohn ogesah,  
do wohnt ach e ganz besonneri Fraa.  
Die hot met de ganz Nachbarschaft Zoff.  
Ei wie die do erumkreicht ment mer grad, die wer als besoff.

Met ihm Grundstück nemmt ses ganz genau.  
Sie hot gesaa: Mei Trottwaa is es scheenchte vun de Stroß.  
Do werd net sinnlos driwwer gebloos.  
Se ercht hot ses in Kette geleet,  
doch weil sich han e paar Leit beschwert,  
hot ses se wirrer abmontiert.

Lang, lang war ruh,  
doch dann sin geje iwver neije Leit ingezoh.  
Die han met ihre Autos veel Platz vun de Stroß ingenumm,  
das is em Emil späternaus net so gut bekumm.

Weil ich will eich sa: Der Sachverhalt vun Emil  
un em Hannelor seiner Infahrt is nämlich ganz schee dumm,  
da beide die gleich Infahrt nemme,  
dud sich es Hannelor vun Amt zu Amt de Arsch abrenne.

E Ozeich no de anner werd do in Ogriff genumm,  
das is ver de Emil ganz schee dumm.

Awwer noch emmol uf die Infahrt serik se kumme,  
weje dene Autos uf de anner Seit  
war die Stroß nimmie so breit  
un de Emil kam met am Zug nimmi erum,  
un is met em Hinnerräf iwver Hannelor sei Trottwaa kum.

Un ehr Leit - ehr kenne jo es Hannelor,  
das kunt do net driwwer lache.  
Do hots e Hunsbrunser uf sei Eck poschtiert,  
domit de Emil met seim Auto nimmi driwwer schofiert.


Un ehr Leit es is jo net se glawe,  
desweje muß de Emil met seim Auto ums Dorf erum fahre.

Hannelor -  
sei doch emol e Jahr friedlich un stell net so veel oh  
dann bische negscht Jahr an de Kerwered ach net dro.

PROSCHT !!!!!

FLEISCHERFACHGESCHAFT UND  
SPARMARKT

HESS UND  
GRASSHOFF



NIEDERKIRCHEN

BEKANNT FUER PFAELZER  
SPEZIALITAETEN / PLATTENSERVICE

Vorsjohr Ende Auguscht is nachts ener durchs Dorf mascheert.  
Met leerem Bauch un drockner Kehl  
wollt er manch Reiwelskeier Haus vun inne sehe.

So is er uf die Juchhee mascheert  
un hot bei meer so manch Fenschterscheib demmoleert.  
Doch ich in meim schlofdolle Kopp han nix kapeert.  
Ich han im Bett gelee un hann geträmt vun scheene Fraue,  
un draus der Innbrecher hot sich de Bauch vollgehaue.

Das hot em scheinbar net gelangt,  
drum is er enunner ins Dorf zum Erna gerannt.  
Dort hot er sich iwver de Erdbeerkuche hergemach,  
dann war er scheinbar satt  
un hot sich in annere Dörfer breet gemach.

Lang, lang war ruh, bis er dan widder ins Dörfsche kam,  
un e anner Heisje in Ogriff nahm.  
Ich nemme oh, daß das vielleicht net de selwe Innbrecher war.  
Der kam nemlich net nachts der kam iwver Daa.

Meddachs um zwä hot ne de Deiwel gerett,  
do hot er imme leerstehende Haus sei Unwese getreb.

Dem Wachhund war die Situation gar net klar,  
der hot nämlich net gebellt.  
Conny, was willschen met so em Hund ver soviel Geld,  
wann der net bei fremde Leit bellt?


So - jetzt hatten se es Maleer,  
es Geld war fort un de Joghurt leer.  
Der Hund war brav, so wie sich das geheert,  
sowas is bisher noch kām baseert.

Daß der Keeder net pareet hot, kunnts gar net glaawe,  
desweje muscht de Wolfgang noch e zwedder Hund kaafe.

Cornelia - richt dei Leonbeier besser ab,  
dann macht der beim negschte Innbrecher ach net schlapp.

DIE REIWELSKEIER KERB SOLL LEWE HOCH HOCH HOCH.....

**Keramische Harmonie**  
zum Beispiel: Wohnraum  
**VILLEROY & BOCH**



**FLIESEN-STUDIO**

**Verlegefachbetrieb**



6761 Blisterschled, Kirchstraße 11, Tel. (0 63 64) 690

So kurz vor Schluß noch was se lache:  
Es dreht sich um e Bayer - ehr wisse, wen ich mäne.  
Dem sei Sportart will ich ach noch emol kurz erwähne.  
Un zwar fängt er in seiner Freizeit fische - so kleene!

Vun Zeit zu Zeit fahrt er met em Fahrrad do enaus  
un werft an de Bach sei Angel aus.

Vum rauschende Wasser fasziniert,  
merkt er net, was um ne errum so alles baseert.

Um sei Fahrrad hot er sich nimmi gekimmert,  
ruck zuck hot ener dro erum gefingert.  
Er hot so mansche Däle abmontiert,  
un is dann widder fortmascheert.

Wie de Bruno zu seim Fahrrad kam -  
oh Schreck - ware kaum noch Däle dran.

Empeert iwver das, was do baseert,  
isser met seiner Angel Richtung Heimat mascheert.  
Met em Schubkarre isser serick kum  
un hot die Reschte vun seim Fahrrad heembrung.

Bruno - loss es Fahrrad es negchte Mol dehäm,  
zu Fuß kumsche halt sicherrer häm.

PROSCHT . . . .

Zwei gescheiterte Ehemänner taten sich zusammen und versuchten, Liebesschmerz durch Nebenjobs zu verdrängen. Nach größerer Anfrage des erfolgreichen Duos im Baugewebe wuchsen ihnen die Aufträge über den Kopf. Begonnene Großbaustelle auf dem Sulzhof blieb dadurch auf der Strecke. Auftraggeberin wartet bis heute auf Fertigstellung der zweiten Terasse.

---

Nach dem Motto "Mach mit - bleib fit" engagierten sich immer mehr Bürger unseres Ortes mit wachsender Begeisterung in dem Fitnesssport Bodybuilding. Nach sichtbar zunehmendem Bizeps findet diese Gruppe immer mehr Anhänger.

---

Ex-Reiwelskeier Kurzschlußelektriker hat nach Ortswechsel eine neue Nebenberufsrichtung eingeschlagen. Engagiert sich jetzt als Brunnenbauingenieur. Erbittet Aufträge unter Chiffre 4711 an den Verlag.

Ich her jetzt uf, eier Schandtate zu vezele,  
ei ich will eich jo net weiter queele.  
Sicher han sich widder e paar ufgerecht,  
awwer das is jo ach der Sinn,  
schließlich stehn er jo net umsunsch do drinn.

Er dun bestimmt genug vezappe,  
doch die ich genannt han, dun immer ins Fettnepsche tappe.  
So - befor ich unser Strauß ogug,  
nem ich noch e großer Schluck.

Ich kann ne leider net begieße.  
Ei do nicht ich jo um die Ecke schieße.  
Somett wer die Kerwered gehal,  
drum bit ich eich all enin in die Hall.

Fer unser Straußjugend noch e großes Lob...

DIE REIWELSKEIER KERB SOLL LEWE HOCH HOCH.....!